



## **INFORME DE LEGALIDADE SOBRE O “PROXECTO DE DECRETO POLO QUE SE APROBAN OS ESTATUTOS DO CONSORCIO AXENCIA PARA A CALIDADE DO SISTEMA UNIVERSITARIO DE GALICIA”**

Esta Secretaría Xeral Técnica de conformidade co artigo 43.2 da Lei 16/2010, de 17 de decembro, de organización e funcionamento da Administración xeral e o sector público autonómico de Galicia, en relación co “proxecto de decreto polo que se aproban os estatutos do consorcio Axencia para a Calidade do Sistema universitario de Galicia”, emite o seguinte:

### **INFORME**

#### **1. Marco normativo e competencial**

O Estatuto de Autonomía de Galicia determina no seu artigo 31 que é competencia plena da Comunidad Autónoma de Galicia a regulación e a administración do ensino en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e nas leis orgánicas que o desenvolvan.

O Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, establece a competencia desta para a coordinación do sistema universitario, e máis concretamente para a ordenación, planificación e execución das competencias en materia de universidades e ensinanzas universitarias.

Correspónelle ao titular da consellería aprobar definitivamente os proxectos normativos, que para o caso das ordes, implica a aprobación da propia orde, e nos decretos, implica o comezo dos trámites para a súa aprobación polo Consello da Xunta de Galicia a instancia da Comisión de Secretarios Xerais, segundo o previsto no



artigo 43.3º) da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

## 2. Acerto e oportunidade

O consorcio Axencia para a Calidade do Sistema Universitario de Galicia foi creado mediante o convenio de colaboración asinado o 30 de xaneiro de 2001. Dende a súa creación se produciron importantes modificacións lexislativas que fan preciso adaptar o seu réxime xurídico a nova normativa.

A aprobación da Lei 16/2010, do 17 de decembro, de organización e funcionamento da Administración xeral e do sector público autonómico de Galicia e da Lei 6/2013, do 13 de xuño, do sistema universitario de Galicia, deseñan un novo marco normativo ao que debe adaptarse a ACSUG.

En concreto, a disposición transitoria oitava da devandita Lei 6/2013, do 13 de xuño, estableceu que “*no prazo dun ano desde a entrada en vigor da presente lei, a Axencia para a Calidade do Sistema Universitario de Galicia procederá a adaptar os seus estatutos ao disposto na mesma, así como á lexislación que lle sexa de aplicación. En tanto non se produza dita adaptación, o consorcio Axencia para a Calidade do Sistema Universitario de Galicia rexerase na súa organización e funcionamento pola normativa existente, excepto naquilo que resulte contraditorio respecto do disposto na lei.*”

O proxecto de decreto polo que se aproban os estatutos do consorcio Axencia para a Calidade do sistema Universitario de Galicia responde á dita previsión contida na disposición transitoria oitava da Lei 6/2013, do 13 de xuño.

## 3. Tramitación

Polo que respecta á instrución na elaboración do proxecto normativo, esta acomodouse ao procedemento legal e ás prescripcións contidas nos artigos 40 a 44 da



Lei 16/2010, do 17 de decembro, de organización e funcionamento da Administración xeral e o sector público autonómico de Galicia.

Así, o centro directivo impulsor remitiu á Secretaría Xeral Técnica o borrador da disposición acompañado dos documentos que de seguido se relacionan, (artigo 41.2. apartados a), b), d), da Lei 16/2010, do 17 de decembro):

- Unha memoria xustificativa sobre a súa legalidade, o seu acerto e a súa oportunidade.
- Unha memoria económico-financeira.
- Unha táboa de vixencias.

Consta no expediente o acordo de inicio do procedemento de elaboración do decreto asinado pola persoa titular da Consellería de Cultura, Educación e Ordenación Universitaria (artigo 41.1 da Lei 16/2010, do 17 de decembro).

Unha vez recibida a documentación e logo do seu estudo, o Servizo Técnico-Xurídico da Vicesecretaría Xeral, elaborou o preceptivo informe e obtivo a aprobación inicial do anteproxecto como proxecto pola persoa titular da Consellería de Cultura, Educación e Ordenación Universitaria (artigos 41.2 c) e 41.3 da Lei 16/2010, do 17 de decembro).

Unha vez aprobada inicialmente a disposición como proxecto, este publicouse na páxina web da Consellería, na relación dos procedementos de elaboración de disposicións administrativas de carácter xeral que estean en curso, indicando o seu obxecto e estado de tramitación, así como a posibilidade que teñen as persoas de remitir suxestións e a forma de facelo (artigo 9 c) da Lei 1/2016, do 18 de xaneiro, de transparencia e bo goberno e artigo 41.4 da Lei 16/2010, do 17 de decembro).

Na tramitación do anteproxecto e ao abeiro do esixido no artigo 42 da LOFAXGA así como na pertinente normativa sectorial de aplicación, solicitáronse informes á Secretaría Xeral de Igualdade, que o emitiu o 22 de febreiro de 2016, á Dirección Xeral de Función Pública, que emitiu un primeiro informe o 18 de abril de 2016, e logo da



corrección de determinados aspectos polo Consello de Dirección do consorcio, emitiu un segundo informe, complementario do anterior, con data do 5 de outubro de 2016.

Así mesmo, solicitouse informe á Dirección Xeral de Planificación e Orzamentos, que foi emitido o 14 de outubro de 2016. O texto foi sometido á informe da Asesoría Xurídica, que emitiu o seu informe o 31 de outubro de 2016.

Finalmente, o Pleno do Consello Galego de Universidades, na súa reunión do día 30 de novembro de 2016, acordou informar favorablemente e por unanimidade o proxecto de decreto.

#### 4. Legalidade

O proxecto someterase á aprobación definitiva da persoa titular da Consellería de Cultura, Educación e Ordenación Universitaria e finalmente remitirase á Comisión de Secretarios Xerais previa á súa aprobación polo Consello da Xunta de Galicia, segundo o artigo 43 da Lei 16/2010, do 17 de decembro.

De acordo co indicado considérase que este proxecto de decreto reúne as condicións esenciais para a súa aplicación e efectividade polo que a persoa titular da Secretaría Xeral Técnica, considera que o proxecto de decreto sometido a informe se axusta á legalidade vixente, polo que o **informa favorablemente** (artigo 43.2 da Lei 16/2010, do 17 de decembro).

Santiago de Compostela, 16 de decembro de 2016

A secretaria xeral técnica

Jesús Oitavén Barcala

